

# Dualgaisí an Mhúinteora



- Is iad dualgaisí múinteoirí na ngnáthchúrsaí ná múineadh sna ranganna ar maidin óna 10.00 r.n. go dtí 12.50 i.n. Bíonn timpeall fiche cúig dalta i ngach rang.
- Ba mhian linn le údaráis an choláiste go mbeifeá ar an láthair oibre 15/20 nóiméad sara dtosnaíonn na ranganna ionas go bhfuileann tú ullamh i gcomhair 10:00.
- Tá sé éigeantach claoí le hamanta na sosanna. Beidh briseadh ar 11:00-11:10 agus 12:00-12:05.
- Eagraítear clár cuimsitheach spóirt sa tráthnóna óna 1.30 i.n. go 4.30 i.n. le haghaidh gach Cúrsa agus bíonn ar mhúinteoir a bheith i láthair & páirt ghníomhach a ghlacadh sna himeachtaí.
- Cuirtear céilí ar siúl gach oíche idir 7.30 i.n. agus 9.30 i.n. agus caitheann múinteoir a bheith i bhfeighil anseo chomh maith & páirt ghníomhach a ghlacadh ann. Déantar Seiceáil na dTithe ina dhiaidh seo. Faigheann an múinteoir díolaíocht sa bhreis dó seo.
- Fanann na scoláirí sna Coláistí don lón laethanta áirithe ón Luan go hAoine, bíonn ar mhúinteoir a bheith i bhfeighil anseo don bhféitheoireacht. Bíonn leath lá gach tarna lá ag na Múinteoirí ar 1.30 i.n.. Déanfaidh an Príomhoide Rota a shocrú dó seo. Tá dualgas ar gach múinteoir a bheith ag obair ar an Lá Teachta agus Lá Imeachta (Céilí ar an Lá deireanach).
- Tá sé ana thábhachtach go gcuirtear Riail na Gaeilge i bhfeidhm i rith an cúrsa go léir.
- Tá dualgas ar an múinteoir a bheith proifisiúnta ina g(h)airmiúlacht an t-am ar fad.
- Níl sé ceadaithe usáid fón póca i rith uaireanta oibre.
- Níl sé ceadaithe aon obair nach mbaineann leis na Coláistí Samhraidh a dhéanamh laistigh d'uaireanta oibre na gcúrsaí.

# An Ghaeilge



- Ba chóir don Phríomhoide agus don fhoireann teagaisc deimhin a dhéanamh de gurb í an Ghaeilge teanga chaidrimh an chúrsa, agus seifteanna a cheapadh a chinnteoidh go mbíonn an Ghaeilge á húsáid i gcónaí ag na scoláirí le linn an chúrsa, sa seomra ranga, taobh amuigh de agus sna tithe lóistín.
- Ní cheadófar ionadaí a cheapadh ach amháin i gcás eisceachtúil (tinneas oide, mar shampla), agus caithfidh an t-ionadaí a bheith cáilithe go cuí.

## Ranganna

- Sna coláistí seo bíonn an-bhéim ar an sórt comhrá a bhíonn ar siúl de ghnáth ag scoláirí. Féachtar chuige go mbeidh an t-atmaisféar sa seomra ranga agus lasmuigh de taitneamhach pléisiúrtha mar is í aidhm na gcúrsaí ná grá don Ghaeilge a chothú.



Tá an-chuid buntáistí sa choláiste seo:

- Luíonn sé isteach leis an gcurracalam athchóirithe atá tugtha isteach ag an Roinn Oideachais agus Eolaíochta in iar-bhunscoileanna.
- Glacann údaráis múinteoireachta teanga ar fud an domhain leis gur a luaithe is a fhoghlaimíonn dalta teanga labhartha, gurbh amhlaidh is tapúla agus is fusa a éiríonn siad inniúil ann.
- Tá sé riachtanach go mbeadh líofacht réasúnta ag daltaí i dteanga, sula mbíonn orthu é a léamh nó a scríobh.



## Cruthú Rang-Ghrúpaí

- Ba chóir rang-ghrúpaí a chruthú bunaithe ar na haoisghrúpaí lena mbaineann na scoláirí. Ina theannta seo, ba chóir na socrúithe cuí a chur i bhfeidhm le go ndéanfar freastal ar riachtanais idirdhealaithe teanga na bhfoghlaimeoirí uile taobh istigh de na rang-ghrúpaí féin.
- Beifear ag súil leis go mbeidh Plean an Mhúinteora, ina dtugtar léargas cuimsitheach ar gach a bhfuil ar siúl chun eispéireas tumtha ar ardchaighdeán a chur ar fáil do scoláirí, réitithe do gach cúrsa. Ba cheart go n-áireofaí sa phlean seo soláthar ranganna na maidine, gníomhaíochtaí ag éirí as moltaí ó mheastóireachtaí de chuid Cigireacht na Roinne Oideachais agus Scileanna chomh maith le haon chaipéisí ábhartha eile. Moltar go mbeadh sé le haithint ón bplean gur cáipéis bheo í atá treoraithe ag bunphrionsabail teagaisc an Choláiste Gaeilge agus a leasaítear go tráthrialta ag brath ar na riachtanais a thagann chun solais le linn an chúrsa.

## Clár Foghlama Teanga:

Ba cheart go mbeadh Clár Foghlama Teanga dá chuid féin ag gach Coláiste, ina sonraítear go soiléir a bhfuil beartaithe chun iniúlacht Ghaeilge scoláirí a thabhairt chun cinn thar thréimhse an chúrsa. Tá sé de shaoirse ag gach Coláiste pé leagan amach is mian leo a chur ar an gClár Foghlama Teanga ar mhaithe lena chinntiú go bhfanann siad dílis dá bhfealsúnachtaí teagaisc féin ach, beifear ag súil leis go mbeidh léargas soiléir sa chlár ar na bunphrionsabail a threoraíonn an obair ranga agus ar na cleachtais teagaisc, foghlama agus measúnaithe atá á gcur chun cinn ann.

B'inmhianta an ní dá mbeadh cuntas ar an gcaoi a chuirfear an clár seo i bhfeidhm mar cheann de na míreanna i bplean an Mhúinteora. Glactar leis go mbeidh na céimeanna cuí tógtha ag an gCoiste Stiúrtha, mar chuid dá chlár um fhorbairt ghairmiúil d'oidí, lena chinntiú go bhfuil na hoidí uile lánoilte sna modheolaíochtaí atá á gcur chun cinn sa chlár foghlama teanga (m.sh. ceardlanna oiliúna, clár meantóireachta) ar mhaithe lena chinntiú go mbeidh an teagasc agus an fhoghlaim i ranganna na maidne ar ardchaighdeán.





## Pleanáil Oidí Aonair

Beifear ag súil leis go dtabharfaidh na hoidí uile faoin bpleanáil ghearrthréimhseach chuí agus moltar go mbeadh cur chuige comónta thar an gColáiste ina leith seo. Moltar go bhfeidhmeodh Clár Foghlama Teanga an Choláiste mar bhunús agus a bplean aonair á fhorbairt ag oidí aonair. Beifear ag súil leis gur plean beo a bheidh i bplean an oide féin ina bhfuil ábhar na gceachtanna aonair á gcur in oiriúint do réimsí spéise agus riachtanais fhoghlama a scoláirí.

Ba chóir úire a bheith in ábhar na gceachtanna agus ba cheart béim a leagan ar mhodhanna cumarsáideacha. Is cuid de dhualgais an phríomhoide é a chinntiú go bhfuil an t-ullmhúchán cuí á dhéanamh do cheachtanna na maidine chomh maith le gníomhú in aon chás ina n-aithníonn sé/sí bearnaí i gcáilíocht na hoibre seo.

